



KAKO NAPRAVITI PAKETIĆ PRIJATELJSTVA ZA DJECU UKRAJINE?



Draga djeco i odrasli,

- ♥ hvala vam što ste odlučili obradovati paketićem jedno od djece na čija djetinjstva utječe rat u Ukrajini.
- ♥ Prije nego što počnete pripremati i pakovati svoj paketić, pročitajte sjećanje djevojčice Lejle koja je u toku rata u BiH preko jedne humanitarne organizacije dobila paketić od djevojčice Astrid iz daleke Engleske. Njeno sjećanje će vas dodatno inspirirati, i pokazati vam koliko paketić sa par sitnica može značiti djeci na čija djetinjstva danas utječe rat u Ukrajini.



Paketić iz humanitarne pomoći

U Cazin su 1994. godine stigli paketići za djecu. Sjećam se da sam sa ogromnim uzbuđenjem išla prema kući u kojoj su se dijelili paketići. Kutija od cipela je bila šarena i ukrašena. U paketiću su bile higijenske potrepštine, slatkiši, fotografija i pismo od Astrid. Taj poklon je dugo vremena bio dio mog svakodnevnog života, a češalj i ogledalo dio kozmetičke torbice. Bojice nikada nisam koristila, jer mi je bilo žao da ih potrošim, a ne znam do kada će rat trajati.

Pokušala sam stupiti u kontakt sa Astrid, ali adresa je bila nepotpuna. Možda će jednom ovi predmeti pronaći Astrid. Fotografija koju mi je poslala, ona u bazenu, i dalje je dio mog porodičnog albuma. U tom trenutku sam poželjela da i ja imam taj osmijeh i taj bazen.

Lejla, 1983.


DJECA BIH I MRD ZA DJECU UKRAJINE

Koraci za pakovanje paketića:

1. Za početak razmislite o tome šta bi obradovalo djecu koja trenutno odrastaju u ratu u Ukrajini, često bez hrane, vode, struje ili grijanja. Sjetite se da oni jako često moraju napustiti svoje kuće i i brzo se spakovati, te da sa sobom ne mogu ponijeti više od jednog ruksaka na leđima...
2. Šta mislite, šta bi djecu u Ukrajini najviše obradovalo? Da li bi to bila neka igračka, komad odjeće, hrana, pribor za školu, slatkiši ili nešto drugo? Ukoliko budete pakovali hranu, pazite da to ne bude kvarljiva hrana, već hrana sa produženim rokom trajanja. Napišite plan o tome šta ćete upakovati u paketić! U vašem poklonu mogu biti sitnice, ne morate potrošiti novac da biste nekoga obradovali!
3. Prikupite stvari za paketić.
4. Paketić napravite od stare kutije za cipele, ili bilo kakve druge manje kutije koju već imate, spakujte stvari u paketić, i ukasite ga crtežima, naljepnicama ili isječcima iz novina. Budite kreativni i reciklirajte!
5. Slikajte nam proces pakovanja paketića.
6. Na paketiću jasno naznačite za koji je uzrast te da li je za djevojčicu, dječaka ili je univerzalan (npr: 10-Ž, 8-M, 12-U).

Pisanje pisma i dostava paketića:

1. Razmislite o tome šta želite reći dječaku ili djevojčici kojem šaljete paketić. Možete mu/joj reći nešto o sebi, uputiti mu/joj riječi podrške ili mu/joj postaviti i neka pitanja.
2. Na listu papira napišite pismo na engleskom jeziku. Uslikajte pismo na svjetlosti prije nego što ga stavite u kovertu.
3. Stavite pismo u kovertu i sve skupa stavite u paketić. (Ne zaboravite na kraju pisma napisati i svoje ime.


 Dostavite paketić do 23. 12. na jednu od ove dvije adrese:

-  Logavina 32, Muzej ratnog djetinjstva (pon-ned, od 11 do 19 h)
-  Skenderpašina 1, zgrada Networks-a (pon-pet, od 9 do 17 h)



Pošaljite nam fotografije!!!

- Nakon što ste završile sa pakovanjem vašeg paketića i pisanjem pisma, pošaljite nam fotografije procesa pakovanja paketića kao i fotografiju pisma koje ste napisali.

 Fotografije šaljte na mail: info@warchildhood.org

Hvala vam na učešću!

Vaš MRD tim